


北京圖書館出版社

福建師範大學圖書館藏
稀見方志叢刊



方寶川
陳旭東◎主編

長樂縣志序

余初讀禹貢以爲此聖人治水
之書耳徐察其間土田之肥瘠
貢賦之高下道里遠近之所經

地宜之產卉木必書以勤民也

則凡有念民之心者其爲書不

當如是耶景泰中

詔脩寰宇通志當事者欲倣宋方

輿勝覽葉文莊曰是特爲四六
設爲志必地理戶口不可缺宜
詳之以資軍國益勸戒乃可議
雖格不行每閱及此未嘗不嘆

文莊之深識遠見爲不可及也
夫醫者必相知其人經脉所會
榮衛所居一寸之病藥卽入之
故力不勞而身安爲治而纖微

未諳欺蒙已隨之況戶口之所
出財賦之所供事在一時而沿
之者數傳未已事變日增法亦
隨立故聖人盡心焉但今爲政

者莫不思旦夕釋去之爲快矣
暇念此哉吾見其苟然而已雲
間夏緩公以經世之才烹鮮長
邑凡邑之風俗利病如握徑寸

之珠坐炤千里教化翔洽而治
以無事於是因縣志之久而脩
之雖其力之暇爲而用心則固
深遠矣其書大自戶口賦役土

田陂堰興廢沿革之故詳哉言
之卽下至一草一木土俗之宜
亦時寓以已意要歸引之勤民
儆勸戒以告後之君子書成余

讀之益有感已我

國家財賦力役之征比之古未

有過也猶有法外之仁古者什

一則謂王政今耕者所獲有田

分其半計兩者之入其以上供
亦無幾耳周禮計口爲役唐有
身則有庸今生齒日煩當編戶
時畧爲增汰相當則止焉是猶

有隱丁也自條鞭法行雜色之
費一歸維正人徒見正供之有
增不知其無累於雜賦也

上之澤顧不厚歟然中州西北

不寧者數歲僉曰民貧賦亟何
哉是亦奉行者之過矣今地之
所入非加減也役非不供也奸
民猾胥詭計飛灑虛懸賠贖之

種種賦逾逋而民逾病上之人
不察卒令富與貧俱竭上與下
交困此今日海內之一大隱憂
也吾觀夏君所經畫如以田定

役則富者樂輸貧者不累炤丁
勻差則實丁勻而虛丁得除監
干追徵法非不便也苦於見役
之包比乃爲十甲均比之法勞

已以寬民而賦亦早輸凡軍匠
僧役無不悉心慮計長久者且
備載之於書使後來有考焉豈
徒曰是具故事備文獻已哉使

爲令而皆能此天下豈有事耶
吾願後之人永念之也昔文莊
著績邊方每留意於興屯給軍
募鹽餉邊諸事歷陟大僚爲一